

箕

村

集

箕村集卷二

上海陸錫熊耳山撰

古今體詩六十二首

雜詩

嶧山有孤桐託根青雲寒上枝承墜露下枝覆奔湍良  
工枉回盼斤斲紛修刊裁爲綠綺琴纖手試一彈迅商  
激天雲操入雙飛鸞時流無古聽喧雜情所歡疇聆幽  
籟響佇足爲盤桓匪獨鮮知音傾聽良亦難傷哉伯牙  
調引領空長歎

冥鴻負奇翰困翮逢颺怒鷦鷯宿叢榛拾粒足自哺至  
道尚冲寂庸襟寡明悟紆朱遵洛渚握篆徂益部四牡  
清且閒輝光照衢路得意復幾時良非泰山固霜摧嶺  
顛葛風隕高塍瓠空以百年身而受槿華誤田園未荒  
蕪去去從我素

惻惻輕寒散瞳瞳旭光透幽人眠乍起展卷閒相就微  
風開我窗忽見花如繡芳香託柔枝春華日馳驟黃鸝  
向屋鳴勸我嘗新酎今日不盡歡明日又成舊啣杯樂  
逍遙聊以償永晝

夜雨簡奕蘭

讀罷殘騷意惘然更堪暝色下江天  
小牀怯雨留燈坐薄絮欺寒壓夢眠  
浮世因緣雙屐外少年心事一杯前  
張郎亦是秋風客擬向鱸莊問釣船

中秋夜碧梧草堂玩月歌

前年作客向宣州青楓灘上逢中秋  
一灘一尺三百丈仰望池陽天上頭  
龍門路轉舟如鳥斷崖漏入青天小  
萬木陰森壓頂寒羿妃遲上烏歸早  
江鄉迢遙望不極離思獨與波聲繞  
空山無人況酒店乾臥蓬窗到天曉

去年中秋玉宇清塵衣初脫還家程舉頭不喜舊明月  
只喜舊月鄉園明千錢斗酒買不惜饋果錯落鄰人擎  
竹光搖杯酒易醉飲戶不與豪腸并兒童熱鼎呼出拜  
聒耳喧笑聽無聲此時不識醉中我豈覺天上瓊樓傾  
今年此夕又此月渡江十日江干歇黑風夜夜吹南極  
長堤苦受鼃鼃啮鳬鷺喜漲入門叫客子荒村獨愁絕  
良宵特放弄晴色斗柄垂芒箕吐舌黃雲逐月海上來  
慘淡爲帶妖蟊血蟾魂不死兔藥靈萬里回光散冰雪  
是夜月食張郎顧子晚相過促坐狂呼酒杯熱三更攜燭照

赭顏壯志愁心兩淒切舊事依稀吾還記去歲前年風景別今年離舍縱咫尺池館嗟非去年擗年年月盡易地看百歲天涯應遍閱雪泥鴻爪本無踪變幻陰晴詎堪說但逢有月更有酒痛飲休問東西轍燈闌攜袖出門去耿耿銀河半明滅玉露涼侵白紵衣桂花如雨蛩聲咽

有憶次徐玉崖韻

花裏搖鞭度石梁夾城西弄馬蹄香府中小史憐韓壽洛下分司憶會昌帶笑隔屏拈荳蔻低眸轉袖數鴛鴦

畫樓十二金梯迴容易窺簾問鈞孃

牆頭見說柳絲垂撲蝶尋常出戶遲紺碧染衣看舊唾  
硬黃研露寫新詩鳳靴偷印門前劇象管留香夢裏吹  
花事不知心事懶一番風雨墮辛夷

好將方勝疊泥金漫把閒愁託素琴乍坼綠蕉同妾意  
半燒紅紙見郎心眼狂未省防人覺語細如聞妬月陰  
最是玉驄歸去路橫塘十里翠烟深

知君吟到杜秋詩宿誓三生費夢思鳳翦合歡裁被日  
蝶裙小坐背燈時女兒南浦銀環冷夫婿東方玉勒遲

莫怪胡麻洞中客外間想像總難持

神絃曲

精靈踏霧前村去畏月楓根暗相語移燈隔竹起眠龙  
避入蘆垣不知處鼉鳴巫舞邀神君靈飈撞甲天中間  
凝睛無言劒花落赤鸞表襍真檀焚腥盤吹瘦霜煤冷  
神來不來河耿耿紙馬紅飄一院光曉楣空閃雞符影

鳳雛曲

丹山萬里桐花涼鳳雛引吭清聲長奇毛浴經弱水碧  
仙骨瘦比蓬壺蒼金莖有露不願飲呼吸日月通精光



嗚啾俯視同腐鼠逸志獨與雲翱翔漢家天子建柏梁  
阿閣窈窕通芝房琅玕萬顆大于斗金寶纍纍垂青黃  
鳳雛有願何所將願上君王白玉堂羽儀須爲聖世出  
際會不讓周虞唐玉魚辭鑰啟未央踏星肅肅羅鵷行  
珊瑚高懸雉尾動鳳雛鼓翼朝天闔九苞之采燭霄漢  
瓊樓十二皆文章此時拜舞銅墀旁天笑吹落爐風香  
卷阿復賡大雅什內監跪進千年觴史官握簡紀上瑞  
盛事永永傳無疆

主客行

主人長歌客長嘯烏巾折角羅年少曲房窈窕九微紅  
侵晨不覺冰輪照楚舞秦謳互抑揚燕姬趙女呈娟妙  
鸚鵡杯深玉手擎鸛鷀裘煖銀燈耀身世恩讐兩不知  
悠悠翻受吳鉤笑長安城北鴈門東連錢白馬驕春風  
手探赤丸三輔裏腰橫白刃五陵中輦轂不驚司隸棒  
姓名常厭徹侯通高晏三更曲未終停杯索劍氣如龍  
長矛血貫仇頭返笑擲雕盤瑪瑙紅微軀欲報袁吳相  
意氣空憐陳孟公古人結交長已矣今人結交竟誰是  
公子荒墳春草青老翁俠骨秋苔紫世事升沉如激電

人心宛轉隨流水黃沙廢壘井陘邊趙王端委成安死  
刎頸剖心何足多覆雨翻雲竟如此君不見黃金臺傾  
國士老白雲飛上田橫島

送劉介亭先生按察福建

柏臺新命肅霜輶手把銀章下九霄八郡只今思雨露  
十年何地不歌謠魚龍避節滄波伏花鳥當驄碧樹邀  
萬里勲名終報

國便將法律問臯陶

早年珥筆趨青瑣久奉

龍顏曉殿深三尺大夫真鐵面九遷

天子鑒冰心鯨波夜落蕃王表鳥島春輸太府金豸弁  
威風看坐鎮只今荒徼總懷音

秋夜懷張大奕蘭因呈東臯諸子

碧天萬里火雲收夜夜闌干望斗牛一樹涼颺絡緯夢  
半池疎雨芰荷秋幾時鐙影窺新著何處砧聲急暮愁  
同學諸君愧相訊葛衫潦倒舊磯頭

鼎實堂歌呈學使李晉寧先生

崇堂壓日驅神鼇蟠螭下飲天光搖芝栴玉碣戴斗杓

當年結構基局牢我公握節下九霄臯比坐擁芙蓉袍  
紅紗障子當風飄後堂那用羅笙簫鎖廳晝永茶沸濤  
簾鉤不動花棚高扶梁巨榜丈二饒文取易卦工鐫雕  
二陰四陽義曲包以木巽火方亨炮董公健者筆力超  
醉墨灑落生蛟綃赤紋鈴印冰銜條顏筋柳骨意匠勞  
仰面只訝盤空鵬使車六月辭雲旂攬轡直下蘆溝橋  
綉旗獵獵催晝撓渡江雙眼明金焦天廐賜馬青鞵鞞  
堵牆夾道看旌旄戟門日落鼙鼓敲萬夫喑寂無矜驕  
官奴難燭沉水燒束筍戢戢開繩綰研朱點秃蚶蛤毛

掃除軋茁親風騷  
摳衣弟子東西曹  
詩歌鹿鳴舞鷺詔  
堂上堂下聲嗷嗷  
六籍辨難窮  
纖毫洪鐘叩擊羣  
聲昭八州  
絃誦盈庠膠  
鳴琴只向堂中遨  
維鼎象叶剛柔  
交兩耳三足供  
煎熬我仇有疾食  
雉膏正位自足光  
天庖金鉉玉鉉非  
竊叨磨錢不用占  
我爰庭松百尺風  
雨號亦有小草生  
堂坳魚須在手玉  
在腰看公歸趁含  
元朝

題問雲詞十二首

少小關心碧玉樓  
十年一夢斷揚州  
可憐舊曲安公子  
還倚琵琶和白頭

侍兒新錄記初呈話到前身憶姓名控鶴芝田舊相識  
蔚藍天上董雙成

後堂侵曉故淹畱親瀾茶槍送碧甌小婢隔簾呼捧鏡  
幾迴欲入又停眸

草草臨風語未終雲鬟親擘玉玲瓏碧桃樹下三更月  
珍重人間許侍中

東風深院葳蕤鑰小立花陰特地聽管是玉羅窗格下  
自裁黃紙寫心經

雙鈎樣窄線痕香幾疊紅羅手自藏恨殺玉郎頻索看

累儂顛倒縷金箱

舞腰飄泊向江津  
憔悴桓公淚濕巾  
十載手攀楊柳葉  
只今青眼向誰人

谷陽門外送青驄  
一去紅顏逐斷蓬  
身是錦溪橋下水  
出山長共濁流東

妝閣沉沉掩夕曛  
苔痕零落砑羅裙  
巫山曉夢風吹散  
小字空教喚阿雲

鰈子春潮燕尾催  
錦屏還爲故人開  
早知重見翻惆悵  
只合羞郎不出來



微步凌波羅襪寒，蘅皋回望水漫漫。  
感甄不賦陳王懶，刻意傷春是五官。

杜曲章臺恨有餘，傷心重寫衍波書。  
懊儂一曲淒涼調，子夜歡聞總不如。

春草次徐玉崖韻

萋萋滿眼茁羣芳，淑氣熏人似醉鄉。  
長信夢回和淚碧，樂遊風暖趁蹀香。  
鷓鴣廢苑嘯寒雨，狐兔荒宮伴夕陽。  
烟縷不關寒食禁，故牽愁緒柳絲長。

燒痕隱約入新年，藥徑花闌盡放妍。  
色誤翠裙迷蛺蝶，

香粘羅襪上秋千賭釵鬪徹紅樓雨中酒眠殘紫陌烟  
莫向隋堤問螢火目前憑眺已淒然

江北江南景易空王孫何意負芳叢一番遊子征袍上  
無限羈人淚眼中屈戌舞樓紅雨夢靡蕪野店綠波風  
楊枝唱罷芳郊暮十里斜陽逐玉驄

苔碑休說漢陵荒愁緒江干正渺茫大地幾時銷病恨  
昔人曾此踏春陽六萌車輦花迷渚十幅裊埋絮滿塘  
誰似柴門張仲蔚一庭深閉杜蘅香

讀史漫興

百川齊注海東頭使者河堤借箸籌豈有宣房沉白馬  
但聞蜀水鬪蒼牛地通鼉窟千尋浪天人龍門萬里流  
滿眼蘊蒿淮泗上至今遺恨武安侯

黑河殺氣暗天長荷戟新徵六郡良萬馬夜窺邊月白  
七星寒擁陣雲黃尙書都護安西府屬國分符日逐王  
今古只看秦塞險賀蘭千嶂接蒼茫

戲鴻堂石刻歌

乙亥李學使科試作

昭陵玉匣不可見定武蘭亭亦堪哂人間何處繭紙存  
棗木空將辨畦畛宋家閣帖已晚出歷盡劫火燒鐘簴

裂痕銀錠知是非坐使蛟螭雜螻蚓隨人作計無不可  
與世爭能豈其準有明書家誰第一尙書太僕無矛盾  
雲間墨妙世尤重鳳閣鸞臺盛推引生平畫學米氏法  
驅染烟雲潑殘瀋那如書法更軼倫銀鈎鐵畫誇難盡  
玉堂奉詔每有作內使促召飛雙鞞酒酣掃筆隨所施  
尺幅價抵雙文錦新羅百濟海外州寶購爭傳似薪捆  
滄江歲晚歸臥穩白首揮毫到神品百家臨倣不停腕  
次第胸中了能審澄清太清格絕佳生態孤離謝枯窘  
紛紛耳食說淳化屈步尋條論非允奇哉尙書下筆親

略貌通神轉迺緊會稽以後張一軍北海平原峙邢尹  
尙書直起抗顏行肯學龐涓怯孫臏邇來書學太放紛  
牋麻搨本多叢筍濃纖肥瘠漸失真巨眼方能別桔槔  
尙書檢勘意良苦貞石照耀今難泯一自江東厭鼓鼙  
橐駝交跡車連軫鵬頭鹿脯化作塵玉躡金題總堪憫  
煥然神明留妙蹟墨光猶射霜天隼定知鬼力深護持  
陸避靈夔海潛蜃千秋配食趙承旨後生望古情難忍  
鷗波亭子戲鴻堂絕代風流兩文敏

舟宿白蓮涇得吳大冲之見懷作卽用韻却寄

停橈向空江暝烟散叢薄三更下風露天宇轉寥廓故  
人枉書札三復停雲作歡娛罷琴酌良會久寂寞伏枕  
更攬衣太息感今昨緘意託修鱗寒潮正東落

旅舍對酒

樂酒當今夕悲歌感昨非爲儒生計薄遠道故人稀少  
壯行殊昔田園胡不歸誰能信漂泊終負越山薇

袁崧墓

多難隆安日孤忠長合侯黃雲滄海陣白骨戰場秋壁  
壘餘荒蔓經過弔廢邱孫盧前事在立馬重遲留

集  
永定寺

精舍留初地苔碑失記年  
寒潮清梵裏獨樹劫灰前五  
字青邱子千秋白足禪不勝  
今古意落日下蒼烟

巽龍菴看秋色

五色斑斕傍梵宮恰如桃李  
鬪殷紅却憑幾夜西風至  
儘得春光滿眼中

禪院談深鳥散烟樵蹤細遶  
綠波前巽龍橋上重回首  
十里紅霞欲暮天

送歸昇旭歸常熟

落落相逢罷匆匆別袂分北風吹五兩南浦送夫君京  
洛塵猶在家山興不羣遙知故園樹紅雪正紛紛  
一棹吳淞口茫茫綠葦汀隔江楊柳調落日短長亭春  
色迎陽鴈潮聲滿洞庭樓回望好七十二峰青

一別長安邸臨風念起居却歸尙湖曲憶過鯉庭餘碧  
嶂環先隴烏衣入舊廬十年釣遊地鴻爪意何如

見說虞山路烟花照眼明柳塘春繫馬燈舫夜聞笙草  
沒言公井鶯啼越女城君歸擅高唱臨眺若爲情

寄施硯齋甘肅



蕭條匹馬古涼州城畔交河向北流萬里音書青玉案  
十年關塞黑貂裘明燈漏下看磨鼻橫梁篇成賦遠遊  
不道書生無燕領漢家新拜岸頭侯

• 飲芭蕉露和點雲夫子

廿載抽心傍畫檐仙葩含露貯冰匳曾無玉楮花還巧  
可是金漿味亦甜日壓一枝和影墮雲封千片帶香黏  
吟成怪底涼如許爲有靈丹潤筆尖

瓊漿吹下碧雲端滴滴勻調玉屑餐漢女弄珠浮太液  
銅仙擎掌憶長安非秋垂豈供僧筆不夜光疑映月丸

凡骨也叨餘瀝賜一杯常自沁脾寒

哭顧甥六吉

一棺風雨掩青春兩地蒼黃慘不禁七十年中新舊淚  
三千里外信疑人夢中誰省童烏事地下寧拋老鳳心  
關路可憐渾未識幾時飛到鯉庭陰

清明後三日同人集青蓮禪院文讌卽席賦句

流鶯喚客棠梨大草長鳩飛雨初過晨鐘未歇粥鼓鳴  
共向招提伴高座墨花慘淡鸛鵲晴文成擲地皆金聲  
回頭却笑習池客騎馬但逐兒童行

百雉迢遙控蘭若柳港迴通敞孤閣仙人鸞尾高矗雲  
桃花初紅杏初落麥苗剌剌翠欲齊黃鸝拂檻飛還低  
風光如此不痛飲酒鎗空負銀留犁

露香池上開名莊紅闌略約通魚梁豪華事往二百載  
至今雲水空蒼茫烟際斜陽一歸鳥阜春山館俱荒草  
吳歌水調唱未成令我指顧傷懷抱

南州居士老更顛傳詩復有毛公賢張衡沈約皆賦手  
逸氣爭羨人中仙諸公磊落富才調便合金門待明詔  
鄙人嬾散百不如聞說長安但西笑

題友人探梅小影

寒玉滿生綃銅坑路未遙遊心隨急雪飛過虎山橋  
身佩蒼精含景行攜阿段獠童不用扶藤着屐踏遍崦  
西崦東

撲帽飛花折柳綿瑤枝拗得當吟鞭高情合配孤山叟  
莫認襄陽孟浩然

丹鳳樓秋集

睥睨低雲石磴涼筇枝幾隊踏秋光簷前日月懸天地  
檻外波濤捲宋唐塵事只應供白眼菊花何意笑清狂

醉中遙指蓬萊近碧海三山入渺茫

荷珠

鈿扇參差倚碧湍輕雷初過影團團  
葢搖漢女攜難定  
裳濺鮫人拭未乾斗帳浴餘瓊作佩  
冰簾舞罷翠爲盤  
吳波滴露凝紅粉交映愁粧十二闌

灑向芙蓉紫柄攢阿誰咳唾落雲端  
掃來只換吳姬曲  
穿去難分洛女紉風墮半畱搖影細  
葉敲齊碎散光寒  
本來色相原無着欲覓菩提碧水漫

雜興二首

暝色來天地茫茫下急流歲窮風雪裏心折稻梁謀  
國恩持節關河有汎舟寒雲低野哭獨立迴含愁  
瀚海闌干曲愁雲慘淡中右軍亡趙信前隊起田戎  
護師仍老行人節未通何時事春作旌旆玉門空

贈陳雲村時讀書申江書院

陳君國士姿慧業本天界摛文實瑰奇一出盡驚拜  
高標月澄朗雄辨泉澎湃握管掃千軍勢若橫行噲  
垂彩忝知交不作流俗態文章相磋磨得失互勉戒  
自慚雜嘉禾母乃誚萑稗城隅起書塾連衡似公廨  
小山桂連

蟠回廊竹陰藹重簷切雲飛不受白日曬晨昏發弦誦  
往往咎天籟君移讀書帷一室自掃灑牀將白板支冊  
以素几載巾櫛與衣篋一一無缺壞活火曉初然茶鐺  
自吹鞫阿咸我家駒卒業髮初髻一從筮盍簪驅策愁  
不逮結契在形影不啻衣與帶聯牀倡新吟把臂叩昔  
誠是時建午月綠蔭滿牆外枝搖墮黃梅葉捲露青柰  
披襟受南風不數大王快芭蕉壓簷齊滴滴流沆瀣星  
闌唱鄰雞驚起整巾帨盥手上簾鉤焚香撤爐蓋攤書  
運元精矻矻不敢懈沉潛六經旨適以觀大槩書參古

今文詩別齊魯派程朱義能咀馬鄭說不汰卮言盡鑷  
除何異搔癬疥發篋探史書歷歷羅百代龍蛇幾紛爭  
指掌識興敗義和脩西馳篝火不辭憊三更月慘淡雒  
誦如梵唄膏殘畏蛾撲心靜忘蚊嘅新文走筆就速若  
催急債旋機奔江湖堅義高泰岱定知牛斗間夜夜起  
光怪遊思在宏業天地納一芥胸中吞八九豈獨雲夢  
隘儒生經濟才所學誠遠大菰蘆此棲息廣廈終自賴  
幸逢

聖明時乾坤正清泰國風何冲融上與三五邁猗那奏



清廟銘石標絕塞天門鬱嵯峨羣英競奔會臨軒賜顏  
色論議多切剴君能培羽翼一舉盡復鍛早晚陟金墀  
不用焦靈蔡平生良友情努力幸自愛不負窮廬心爲  
人起疴瘵

篁村集卷三

上海陸錫熊耳山撰

古今體詩六十二首

題談秋帆師飛仙圖

海波瑟瑟風刁刁宮闕虧蔽蓬萊遙身騎黃麟揖子喬  
夢耶覺耶同遊遨先生瓊巾青纈袍凌攝梵炁行空寥  
虛無指點踏巨鼇倏忽身落三山椒崑崙主者降碧霄  
羣真雜遝羅幢旒隱元朱明各見要坐考雲笈鳴瑯璈  
瑤筵罷會彩霧消太乙玉女相招邀鸞文之裳錦作條

英英顏色如陵茗白光迴旋牛斗搖玉鐏拂拭塗鴉膏  
千年老鹿禿不毛作使左右同兒曹芝田雨過耕藥苗  
一聲叱起山雲高飛龍躩踞白鳳驕翠旗獵獵回奔飈  
雲濤激撞聲怒號髣髴東渡秦人橋碧城十二相周遭  
來往那得朱顏凋神山無梯不可超一笑塵世風中匏  
吾生如芥浮堂坳苦受水火相鐫雕十年慕道夢想勞  
望而不見心忉忉相從徑欲負雨瓢坐看講罷瓊花飄

題葉二葑岑觀穫讀書圖

茅堂卜築山之阿印文百曲琉璃波長橋窮窅更幽絕

萬株楊柳東風多葯岑閉戶愛著述獨擅古調彈雲和  
綾籤撐架一千卷字字刊核無差譌江南八月涼雨過  
黃雲萬頃堆嘉禾雄雞爭場稻牀出橫腰霍霍鎌新磨  
清晨課罷踢壁卧枕底忽落吳儂歌柴門自啟日影正  
東西負手隨逶迤悠然羲皇以上世不受俗客相譏訶  
紅塵擾擾道路子車馬但見肩相摩五更攜鞭出門去  
風冷褶袴霜凝鞵何如幽居在原野朝饘暮粥時行哦  
故莊我亦久棲託十年雲水空蹉跎買田不負陽羨約  
卜鄰與子期婆娑深秋况復稻正熟霜螯滿簍橙新搓

集  
捲圖一笑息壤在蒲帆便逐樵風過

友仙亭

獨鶴一朝去仙人殊未還白雲吹不散流影滿空山風  
雨雙崖斷鶯花萬壑閒蓬萊何處是亭下水潺潺

東菴

弭棹援青嶂尋鐘上白雲濕嵐晴自落凍澗夏常聞果  
熟猿能供齋殘鶴許分佛香午梵罷襟袖坐氤氲

題東侬蔣氏別業

溪行不覺遠迤邐到山家舊竹間新竹開花接落花予

情在邱壑此地有烟霞徑逐白鷗去沿流弄釣查

寄沅江吳古心明府

澤蘭岸芷滿湘流才子長沙是壯遊八月吟詩雲夢野  
一官高枕洞庭秋樓臺夜雜鮫人市魚蟹晴懸估客舟  
好向西風候回鴈亂山南岸近衡州

哭族父西崖先生六首

跋扈飛揚氣消沉奈若何乾坤自寥廓身世竟風波路  
黑楓林晚魂來夕霧多萬年清處士流恨向山阿  
到此思時命茫茫未可論風流一朝盡生死寸心存不

爲儒冠誤安知獄吏尊秣陵秋暮雨慘淡哭羈魂  
驃騎航頭話真成死別離何時聞唳鶴無處逐斑駘意  
氣空疇昔文章付阿誰猶疑舊顏色明月動書帷  
萬古鍾山下滔滔逝水聲風雲見幽憤肝膽累才名世  
已疑公幹書室上建平九原如再作只合事躬耕  
縛屋西奈隱前盟事寂寥未須論白黑終是負漁樵吾  
道今仍賤誰人意獨驕可憐故山桂回首颯風颭  
白眼阮從事平生有阿咸大名君不朽貞石我應鐫昔  
夢思題燭前期誤落帆採蓴亭下過涕泗濕青衫

讀史雜感

地陷天崩樂未窮  
石家父子自英雄  
凌霄觀外漫山火  
忘却妖星下鄴宮

良家都統少年名  
高笑江東草木兵  
不得昌明爲僕射  
可憐枉自殺陽平

玉柱歌殘阿得脂  
尾長翼短意誰知  
君王不信魚羊讖  
五將飄零愧此時

領軍虎視跨江東  
鼓吹聲沉建業宮  
輔國不愁無十萬  
殿前拍手笑匆匆



孫寧千秋例本同玉輿下殿苦匆匆河流東去人西上  
一慟長安落日中

萬安陵草鬱葱葱麥飯孤兒恨未窮若問與夷竟何處  
九原應愧宋宣公

陳文帝卽位詔云若問與夷無愧陵寢

建康宮殿莽榛蕪白土岡前戰骨多江左衣冠道應盡  
不須苦怨任蠻奴

阿廢奪嫡太心長辛苦當年絕色荒若遣麗華畱禍水  
不教拋擲誤文皇

雨中入中峯寺坐水明樓成一絕句卽次念亭上

人韻

香閣昭曉物外情  
芒鞋衝雨踏梯行  
拓窗愛看遙山好  
坐到深廊佛火明

虬枝屈鐵老莓苔  
猶有疎花帶雨開  
爭似虎山橋畔路  
一溪風雪跨驢來

蔣大芝巢蔣二琴山招陪沈歸愚宗伯彭芝庭司  
馬及諸同學集繡谷送春歌

荼蘼風起晴鳩啼  
曲巷過雨生春泥  
紅橋四百芳艸暮  
落絮飛遍昌亭西  
樓頭花枝樓下雪  
流光匆匆坐成別

名園上日羅衆賓共惜江南好時節江南春漲青接天  
十日正泛沙棠船白蕉之衫高齒屐乘興來醉櫻桃筵  
竹梧交陰做瑤席黃金叵羅持勸客良辰勝事本難期  
復見風流照泉石簾光泛綠池水平碧蘿裊裊含烟清  
石牀洗盞更盤礴欲落不落斜陽明東風無情鬢成素  
多謝流鶯喚人住倒載狂歌歸去來明朝酒醒春何處

春郊射獵圖爲蔣蟠倚賦

紅杏花明玉勒驕平蕪草暝麥烟消綠波微雨江村路  
柳外垂鞭渡板橋

少日論兵絕嶂頭  
滄浪歸弄釣魚舟  
白登春草調鷹地  
重向江南憶舊遊

松花硯古墨雲香  
清晝疎簾寫硬黃  
却向郊原鬥身手  
矜弓親臂射生麇

青瑤池館夜集分賦得石字

涼月松際生流光  
滿溪白開軒引蘭酌  
幽襟契泉石禽  
翻竹風疎人語桐  
露滴不有池上吟  
誰爲永今夕

遂初園歌賦呈拙菴吳丈

先生家本天都峯  
丹梯鐵鎖攀芙蓉  
白雲如海蕩胸臆

手弄明月驂茅龍十年夢落滄江曲却向巖東縛茅屋  
自有前期侶向禽何妨混迹同樵牧桃花滿溪溪水香  
柴門晝掩山蒼蒼園林結構足佳趣枳籬百曲沿滄浪  
葛巾方袍自來往芳徑無人碧苔長急雨微生竹院涼  
暗泉細落松根響紅橋窈窕碧玉流興酣散髮乘扁舟  
仙源路轉豁明鏡倒影忽浸花間樓先生平生此休息  
林下清風滿泉石短鍾常攜劬藥童方牀頻約圍碁客  
西園昨日花亂開置酒邀我臨高臺華林魚鳥趣方永  
下若尊罍晚更催相看綠鬢顏如昨不用巾箱圖五岳

結習難忘蠟屐心  
息機真羨披裘樂  
別有江湖憔悴人  
年年席帽苦風塵  
攜家欲就橫塘曲  
射鴨撈蝦作比鄰  
和少華竹嶼病起相晤曇華閣之作

釵頭瀾茗綠  
槍沉料理室  
煩砭與鍼說  
劒書成風瑟瑟  
翦燈話永雨  
悵悵泛秋十  
指諳琴德  
結夏三時識  
磬心  
賸有新篇同  
漢上  
薔薇浣露一  
開襟

六月高齋暑氣無  
藥鑪經卷未嫌孤  
漢碑鐵畫摸文讀  
宋軸牙籤換錦糊  
問卜昔曾煩季主  
著書今喜共潛夫  
扁舟相約乘涼去  
晚飯銀鱗下箸腴

集  
中歲心情嬾似嵇下簾花霧晝常迷鳬翁夙夜分行宿  
鳩婦陰晴各樣嘑衣綻七條參梵夾訣傳九轉問刀圭  
風塵席帽趨時客手板憐渠到處齎

婆娑楊柳悵洪喬跋扈飛揚興轉饒棄物我應同苦李  
彈文君已恕甘蕉仰天却笑程生馬拍案頻呼雉作梟  
袞袞錢刀緣底事幾人華髮未曾凋

寄內絕句

皋橋橋畔謝家樓曲院蕭條鎮似秋十日闌干吹細雨  
故園楊柳不勝愁

憶聽晨雞送別鞍相思遙隔海雲端紅燈寂寞天涯醉  
無那烏啼落月寒

門前日日送輕潮南浦歸舟別夢遙想到落梅風信急  
小樓殘燭雨瀟瀟

深巷家家乳燕飛吳綿昨日換征衣夕陽芳艸江南渡  
落盡蘋花客未歸

伏雨闌風下五湖平原極望長蘼蕪知君日夕思千里  
曾對東南孔雀無

江上愁心鬢欲斑明朝樂府唱刀環孤舟爲憶楓林泊



落日千山更萬山

過德雲菴贈蕙園上人

隔溪仙梵遠微微  
開士祇園獨掩扉  
幡影日高馴鴿散  
鉢烟春暖毒龍歸  
佛幢古殿晴雲落  
法鼓空林暮雨飛  
一問楞伽坐惆悵  
十年塵海素心違

七夕和韻

半捲蝦鬚控紫銀  
瓊盤璧竚夜初陳  
雲輶寂寞星河冷  
畢竟良宵屬世人

半夜輕寒散碧颼  
片雲飛過影垂垂  
鑿天誰到牽牛處

流入黃河無盡時

玉露金風年復年前期惆悵合歡筵七襄空說天孫巧  
不及媧皇會補天

皓齒明眸恨若何驪山劒閣兩嵯峨  
我使教蜀道同歸去爭似仙家歲月多

登橫雲山放歌 丁丑李學使歲試作

吾生不能赤手坐跨琴高鯉又不能鳴鏑橫穿玉門壘  
如梳翎鶴負殼蝸側足風塵困泥滓此生當著幾兩屐  
蹴躡騎驢吾衰矣青童玉女笑向人那不餐霞飲石髓

橫雲之遊吾游始昔訝圖經偶遺此古人不以名廢山  
長借頭銜陸內史乃知洞天福地往往畱仙踪不然亦  
是抑塞磊落奇男子阿童復阿童浮江奪天璽平原兩  
瓊枝能令武皇喜東吳丞相婁侯孫可憐但貴洛陽紙  
南風傾城八王死與人家國區區耳華亭鶴唳那復聞  
日落空山嘯山鬼野夫弔古興未已蹋泥却上層霄裏  
丹梯十步九曲折數峯秀出芒鞋底鷺毛一點團泖潮  
中湧地肺朱陵似墨痕杳渺漁舍浮彷彿柴門亂葭葦  
仁王塔頂三百六十風鈴懸黑頭浪翻一一遙見沙禽

起白雲逢逢漲巖紫倏忽千林漫紅紫夕陽墮地青天  
空但有井車參旗昴鉞東西指境幽神愴難久住腰脚  
彎環更倚徙金箱五岳空爾思如此江山豈非美吾笑  
歲星精殿前執戟長安米吾愛謝安西東城別墅東山  
妓蹉跎難鑄六州錯婚嫁那無十口累明年人海掉頭  
去息壤吾知應在彼有田不磽屋不圯去山一里水二  
里田栽三畦兩畦菰屋繞十株五株李手擊竹如意坐  
隱烏皮几梅花白酒釀百缸臘甕青魚泔千尾更須餘  
貲買斷吳江鴨嘴三板船日弄烟竿泖湖水

聞木樨香有作

同前歲試作

閑居味禪悅心與木石比頗思道場樹香覆功德水涼  
秋桂敷榮馥郁滿窗几鼻觀本無香觸著亦可喜如聞  
旃檀林下有杪欂子山河悉自說我不喧口耳悟處非  
風旛誰能契無始黃龍老龐眉無隱義則爾何由侍巾  
綈微笑樹一指瓣香拜涪翁風流亦渺矣跣趺憺忘言  
偶會妙明旨回瞻小山叢如霞落未已

北城對月懷葯岑因寄

吾兄古狂狷淵抱衆莫識著書東海上門鮮車馬跡一

鼓昭氏琴拂拭三歎息浮雲西南馳日夕坐相憶相憶  
夫何爲良會異昔時君家南湖濱彷彿夢見之大江有  
波濤歸禽上高枝日暮期不來杳杳寒鐘遲寒鐘下嚴  
城明月照我屋芳華忽晚晚春草萋以綠道路非阻修  
無由展棕曲何當攜襪被相就高齋宿高齋渺天末煩  
思託柔翰遺我尺素書報我蜀錦段統如鼓未已涼雲  
渡銀漢朗咏微波詞茫茫夜方半

時葇岑以所作微波  
新詞寄示讀尚未竟

故道  
及之

寄施上舍光祖廣西

玉鱸筵下惜分攜度嶺浮湘去不迷  
八口飢寒故城北  
一身涕淚大荒西  
枕柳驛暗宵防虎  
斑竹祠深午報雞  
遙憶逢春初卸馱  
滿天風雨郭公囑

過古香園夜飲有懷

掛席空江正落潮  
故人家在素雲橋  
春當別後方堪惜  
路可頻來未算遙  
積雨乍收山悄悄  
歸禽欲下竹蕭蕭  
話闌忽憶沙塵劫  
五夜吞聲賦大招

飛鴻堂印譜歌

洛陽已沉卞和玉  
秦章千載侈空譚  
附城椎璽事亦往

欲訪漢字今誰諳歐陽集古恨晚出虎彝龍鼎窮幽探  
羲娥已遺拾星宿醉翁地下應懷慚後來好事能倣古  
此道不絕畱鐫鑿離奇婉秀各殊式並驅廣陌交驂驪  
羣聾莫昭世多怪遺譜零落巢書蟬飛鴻主人嗜奇最  
金石刻畫情尤耽巾箱羅列萬珠貝古印一一烟雲含  
藍田琢成形肅穆青穴削出姿靈爽流霞結紋蘊靈氣  
盤螭抱紐飛寒嵐誰誇鐵筆好身手三寸橫掃神清酣  
殊材絕技盡呈巧獵取不讓貪夫貪箕張昂萃列天象  
瑣細屈曲攢春蠶文摹趕趨悉詳訂義本史許咸精參



方珪圓璧隨所製一日常與摩挲三部分甲乙列首尾  
綠綈重襲加瑯函辰州丹砂雪色紙開卷刮眼清光涵  
搜羅用意亦良苦生活冷淡心仍甘却嗤華堂鬪竹肉  
樂事毋乃譏沈湛鄙夫稽古愧不力六書未解空愚慙  
欲尋波磔辨斯籀正似食肉參瞿曇抱持此卷忘晝夜  
如箝在口嗟何堪何當叩閣問奇字芒鞋徑踏天都南  
春日雜感三首

不知造物我何親蚊睫蝸巢付此身只以韶華供涕淚  
難將世界論沙塵十年心事愁中雨三月鶯花夢裡春

識得妙明清淨理須彌盧頂是前因

買山汎宅兩蹉跎滿眼韶光喚奈何傀儡排場聊復爾  
漁樵爭席總由他心情懶似秋風客見解輸渠春夢婆  
我欲起爲鸚鵡舞夜闌拂劒一悲歌

可憐花信太匆匆溪杏山桃撩眼紅蠟屐會消幾兩好  
觥船難遣百分空荒唐世局程生馬憔悴年華絮逐風  
手把釣竿吾計穩接天新漲五湖東

遊橫雲山同陳雲村孫筠亭分賦得五古

火旻澄夕霧桂岸沿輕橈雅尙契清曠惠好期逍遙崖

虛積蘚圻徑顯叢蘭凋漫漫渌雲屯瑟瑟槁葉飄攀陁  
仰延脰趨峴俯折腰鳴篁夏媧絃厲澗撝虞韶向背見  
林壑寒暄變昏朝落日動大澤浮光麗單椒層巒抗紺  
宇曲棧掛虹橋名流絕髣髴廢館闖牧蕘物往悼遷斥  
蹤存委蕭條繕性得游衍殊觀滌煩囂本慙邱中賞言  
慕谷口樵于焉遲嘉客薜荔若見招結廬庶前諾散髮  
申長謠

題晉陽申五兆定山樓聽雪圖卽送其省覲杭州  
冥冥寒色低壓檐千巖萬壑開銀匳天公昨夜勞玉戲

樵徑絕跡山埋尖孤茅天外誰所縛玉虛樓閣清光添  
幽人高枕聽蕭瑟明窗透影疑冰蟾橫空曉起發奇賞  
四面盡拓蘆花簾朔風亂吹柳絮落冬序瞥見繁花粘  
乍如春蠶卧竹箔食葉上下飢難厭又如鐵騎驟風雨  
銜枚將令森兵鈴簷條墮折碎珠響凍澗撲入遊魚險  
長松振鬣遠撐突璚皴亂戛驪龍髯空山無人萬籟寂  
聞根不斷神彌恬却思踏雪控金勒霹靂應手弓初拈  
豪情爭如逸致好登眺不畏寒威嚴斷橋殘雪景尤絕  
山水勝事君能兼驪歌唱罷送征棹短衣空愧塵容黔

題陳研齋竹磻清唸圖

披烟適幽踪撫簞愜心賞層阿睇非遙曲渚遵未枉密  
鐸媚雨翻叢筠切霄上睇陽難畱光含飈易成響急沫  
激潺湲停瀾散瀼瀼吟和壑音清咏答天籟爽一鼓風  
中琴彌結物外想鑒止入化機得性任怡養幽期以蹉  
跎夙尙懽獨往高辭蘇門蹤興發剡溪訪跂予懷歲寒  
何時脫塵鞅

雪蕉

不向朱闌映碧茵盆山高裏露如銀班姬心展瑤釵夜

盧女花明翠障春  
銜領冰霜真耐久  
色嫌脂粉倍清新  
最憐一卷蠻箋綠  
雨陰中寫洛神

賦得絲萼

戊寅李學使科試作

秋序平分候萼絲  
縷漸增帶長匙  
欲滑條細箸堪  
升冷割龍髯墮  
柔依釣竹登  
正應三日織簾  
捲一池水菱角  
香難擬鱸魚事  
共徵隨波青  
暗舄入金碧  
交乘洛下欺  
羊酪秋風引  
季鷹何當理  
烟艇薄采  
赴波澄

過飲朱棗山齋頭卽席賦謝

綠酒紅燈漏未央  
相逢同醉少年場  
樓臺星動千門夕

鴻雁天低十月霜  
拓戟勝遊連下杜  
啣杯上客盡高陽  
明朝風雪瓜洲渡  
刻燭前期興不忘

時將有渡江之役

### 題王石泉小影

松根不受照照在百尺枝  
千林競延首到處見一規  
雷霆轉空山水石雨不知  
中含一月光散作千瑠璣  
流形信無住喧籟誰所爲  
醞醕與香酪大味本一厄  
夫君妙明心豈復橫氣機  
嗒然坐風露世界觀須彌  
無言亦無想便叩文殊師

### 春日感懷口占示內子二律

淡淡輕烟漠漠塵危闌獨倚黯傷神顛狂未省緣何事  
愁病誰堪併此身花徑冥迷三日雨酒缸岑寂一杯春  
浮家知汝非無意便斫長竿縛釣綸

門楣仰託愧家風一代文章太史公道韞有才如羯末  
黔婁無術但暗蠶懶求負郭生涯薄苦愛吟詩習業窮  
賸欲累君收散稿他年端不悔雕蟲



皇村集卷三

孫男成沅謹重刊